

善本書室藏書志



善本書室藏書志卷三十三

錢塘丁丙松生甫輯

集部十二

閑閑老人涇水文集二十卷

舊鈔本

金趙秉文撰秉文字周臣涇陽人閑閑其自號也中州集稱大定二十五年進士應奉翰林文字上書坐譏訕免官起爲同知尚嵐軍州事泰和二年改戶部主事翰林修撰出刺甯邊州改平定州貞祐四年除翰林侍講學士轉侍讀興定中拜禮部尙書兼侍讀同修國史知集賢院薨年七十有四所著文章號涇水集者前後二十卷文則出於義理之學故長於辨析極所欲言而止不以繩墨自拘古詩筆勢縱放律詩壯麗小詩精絕多以近體爲之元光二年前翰林學士知制誥楊雲翼引云今禮部趙公實爲斯文主盟近自擇其所爲文章釐爲二十卷過以

見示披而讀之粹然皆仁義之言也後附元好問撰墓志墓志
言澹水集前後三十卷而歸潛志云閑閑晚年自擇其文凡主
佛老及爲二家所求作者另作一編號閒閒外集此二十卷殆
閒外集耳鈔本字頗流麗不著校者姓名

潯南先生文集四十六卷

吳氏鈔校本

潯南王若虛從之

若虛又號慵夫豪城人承安二年經義進士歷管城門山二縣
令用薦入爲國史院編修官遷應奉翰林文字爲著作佐郎遷
平涼府判官召爲左司諫轉延州刺史入爲翰林直學士金亡
歸里自稱潯南遺老後與劉祁東游泰山至黃岬峰憩萃美亭
談笑終焉金史人文藝傳集爲豪城令董彥明撰其承趙壽卿
所刊凡辨證諸書經史者三十三卷文辨四卷詩話三卷詩文
上三卷前有李治王鶚彭應龍王復翁四序金源徵實之學鮮

有出其右者文則宗蘇而左韓詩則宗杜而抑黃自爲詩文轉
若不甚經意者集中詩與中州集本對勘覺字句爲善於此想
元遺山選時重加改削別有嘯夫集已佚繡谷亭主吳焯舊得
此書於淡生堂祁氏原本已歸徐蝶園中丞錄此副墨自爲校
正後世傳本皆四十五卷末一卷則錄自中州集者也有繡谷
蟬華二印

溥南集四卷詩話三卷

舊鈔本

宋賓王校顧俠君陳仲魚藏書

王若虛從之

前有樂城李治序又東明王鶚序云先生爲文不事雕篆惟求
當理尤不喜四六其主名節區別是非古人不貸也先生亡後
其子恕見子於燕京予盡以其書付之又二年豪城令董君彥
明益以所藏釐爲四十五卷與其承趙君壽卿倡募鏤版以傳
又彭應龍翼夫序又大德三年雙桂書院王復翁序詩文四卷

較全集之後五卷分體爲整詩話三卷與全集合末有朱筆題
云此秀野草堂藏本雍正五年四月二十又一日借較文瑞樓
藏本於桃花隱乃裏東宋賓王手筆也有顧嗣立印俠君陳鱣
收藏二槎藏本馬氏收藏經籍之記諸印

莊靖先生遺集十卷

舊鈔本

汪魚亭藏書

李俊民字用章

俊民澤州人承安五年以經義舉進士應奉翰林文字案官隱
嵩山下自號鳴鶴道人元世祖召以安車見復還山卒賜諡莊
靖先生詩十卷多幽并激烈之音文三卷亦冲和雅淡似其爲
人澤州守段正卿嘗目之正德三年沁水李瀚重刻而序之更
有淮東葉蘭長平李仲紳王特升劉瀛史秉直等序鈐有汪魚
亭藏閱書一印

遺山先生文集四十卷附錄一卷

明鈔本

馬寒中藏書

顧齋張德輝類次

金元好問撰好問字裕之太原秀容人中興定五年第歷內鄉
南陽二令天興初除左司都事員外郎金亡不仕爲文有繩尺
備眾體碑版誌銘諸作多爲元人纂修金史張本其詩奇崛而
絕雕剗巧縛而謝綺麗五言高古沈鬱七言樂府不用古題特
出新意歌謠慷慨挾幽并之氣集前有中統三年序治及陳郡
徐世隆二序明宏治戊午巡按河南御史沁水李鼐得善本於
太僕儲巖家始序而刊行而巖與王鶚杜仁傑靳貴跋其後附
錄一卷則巖所輯也有紅藥山房收藏私印馬思贊印寒中諸

圖記

湛然居士文集十四卷

影元鈔本 汪季青藏書

元耶律楚材撰楚材字晉卿遼東丹王八世孫金尙書右丞履
之子從太祖平定四方太宗時官至中書令至順元年追封廣

甯王謚文正元史有傳集前有甲午仲冬萬松野老行秀序云
湛然居士年二十七受顯訣於萬松其法忘死生外身世毀譽
不能動哀樂不能入湛然大會於心精究入神盡得其道萬松
一日過其門見執菜根齋油鹽飯脫粟萬松曰子不太儉乎曰
圍閉京城絕粒六十日守職如恆人無知者以至扈從西征六
萬餘里歷艱險困行役而志不少沮踰崑崙瞰瀚海而志不加
大客問其故而曰汪洋法海涵養之力也癸巳平水冰巖老人
王鄰序云中書之言自詠物之外多以國事歸美爲章句雖稷
契之忠舉陶之嘉未易過此古律詩雜文五百餘首分爲九卷
而襄山孟攀鱗序云中省都事宗仲亨最爲門下之舊收錄公
之餘篇纖悉無遺今又增補雜文舉其全帙付門下士高冲霄
李邦瑞協力前修作新此本以示學者九山居士李微又序此
本湛然居士文集卷之幾作大字每半葉十行行十八字每卷

有目錄或有目錄連接正文者洵從元刻影鈔末有歸有光識語又有康熙辛丑六月十月初白老人手識有休甯汪季青家藏書籍摘藻堂藏書印平陽季子收藏圖書諸印

湛然居士文集十四卷

龍池山房鈔本

集凡十四卷惟第八第十三十四編有雜文餘皆古今體詩中多禪語之語蓋楚材本受顯訣於萬松棄宿學而耽習梵經者也前有甲午萬松野老行秀序又癸巳平水冰巖老人王郊襄山孟攀麟九山居士李敬子徵序徵稱邇者中書省都事宗公仲亨更新此集募工錄刻過雲中同監納樊子通見屬爲序末有歸震川題云僅見後七卷可知傳本之稀此舊鈔本版心題龍池山房祕本六字

藏春集四卷

舊鈔本

元劉秉忠著

秉忠字仲晦初名侃因從釋氏又名子聰拜官後更今名其先
瑞州人也年十七爲邢臺節度使府令史以養其親投筆去隱
武安山中爲僧世祖在潛邸召海雲禪師邀與俱入見應對稱
旨世祖卽位秉忠不改舊服人稱聰書記至元元年拜光祿大
夫位太保參領中書省事詔以學士竇默女妻之賜第率先坊
寵任愈隆十一年扈從至上都築精舍於南屏山無疾而卒贈
太傅封趙國公成宗時改諡文正仁宗時進封常山王秉忠自
幼好學至老不衰自號藏春散人其詩蕭散類其爲人有集十
卷至元丁亥翰林學士閣復序稱公歿後十有四年是集始行
於世夫人賈氏暨其子璋介翰林待制王之綱求爲序引序後
有參知政事左山商挺孟卿集處州知府瀛海馬偉廷彥校兩
行按元史載有集十卷明天順五年處州守馬偉慈爲五卷末
一卷爲誥命神道碑銘諸文自爲一序臨川黎近作後序然詩

僅七言律詩七言絕句及詩餘而無古詩及五言律絕又無雜
文乃未全之本此又併五卷而爲四卷耳

張淮陽詩集一卷附詩餘一卷

舊鈔本

宿人周越校正重刊

元張宏範撰宏範字仲疇易州定興人汝南忠武王柔之第九
子官至鎮國上將軍蒙古漢軍都元帥將兵入闕廣滅宋於崖
山師旋卒累贈太師淮陽王謚憲武元史有傳宏範生長名門
天資超邁幼嘗學於郝公伯常友於鄧氏光薦事功之暇託興
咏歌雅韻清辭雍容諧逸固非服介冑者所能及也金臺王氏
嘗以詩詞刻於其冢之敬義堂至正十年其曾孫旭訪舊刻而
重梓之江南諸道行臺御史許從宣爲序并刊廬陵鄧光薦原
序明正德辛未公安知縣周越又梓而序之

白雲集三卷

知不足齋鈔本

錢塘釋英實存

英爲唐詩人厲元之後父石田居士由婺徙杭故爲錢塘人幼而力學長喜爲詩壯益刻苦慕貫休齊己從友走閩浙江淮燕汴厭於世故一日登徑山聞鐘聲有悟遂爲浮屠結茅人目山中數年遍參有道尊宿皆印可之故其詩有超然出世外之趣凡一百五十首分三卷前有至元壬辰蜀人牟蠟趙孟頫胡長孺林昉趙孟頫序蠟又爲之跋有奇書無價爲流傳勿損污知不足齋鮑氏以文藏書努力三餘諸印卷端鈐翰林院印蓋四庫館發還鮑家收藏之書也

稼村先生類稿三十卷

影寫明刊本

古豐王義山元高著廬山李嘉龍伯雨讀門人曾震龍編不肖孤惟肖鈔七世孫從冠川行

義山豐城縣梓溪里人宋景定中進士知新喻縣歷永州戶曹

入元提舉江西學事退老東湖環居皆蓮名其堂曰君子又於
先廬旁扁其屋曰稼村四方學者稱爲稼村先生稿爲詩三卷
雜文二十七卷說經之作多有根據表啟亦有組織子惟肖既
刊斯稿并附錄一卷列先生自序後隨潭晦至明正德十一年
七世孫從冠復爲版傳南京禮部右侍郎同邑楊廉爲前序同
時泰和羅欽順車鄞陳槐爲後序

方虛谷桐江集四卷

鮑氏鈔校本

元方回撰回字萬里號虛谷歙縣人宋景定壬戌別省登第官
提領池陽茶鹽遷知嚴州入元爲建德路總管阮氏孥經室外
集載回桐江續集四庫全書已著錄皆其元時罷官後所作
其前集名虛谷集黃虞稷千頃堂書目所載疑卽是編按周密
極譏回爲人之鄙伏讀四庫提要云集中諸文居然醇儒之
言要不可謂其悖於理如賈似道魯港喪師之後眾皆慮其復

入回上書數其十罪繼又言似道與其客廖瑩中皆當卽誅又請罷王燾平章以佚其老見集中前後上書並確有所見中外快之卽他文亦多有根據云云按阮氏奏進爲八卷此本四卷爲賦爲序爲說爲記爲跋爲辨爲評爲書爲表爲露布爲青詞爲上梁文爲墓銘爲祭文爲攷文體皆備或出未分以前原帙鮑廷博更從戴表元剡源文集中錄桐江集序弁於首

虛谷桐江續集三十七卷

鮑氏校鈔本

此書黃氏千頃堂書目所載作五十卷此集總目僅四十八卷是已缺後二卷矣卷一卷二爲文卷三至卷四十二爲詩卷四十三至卷四十八爲文據自序云詩自壬午至戊子二十卷卷百首今是集詩凡三十卷則二字當爲三字之誤今檢鈔本全缺者卷三卷十四二十一二十三二十四三十二三十四三十六三十九四十四四十一凡十一卷實存三十七卷而卷一卷十

九二十七中間均缺數葉卷七缺後數葉是本知不足齋鮑廷博從元刻鈔錄如第四卷五卷六卷九卷十卷二十五卷二十七卷未有題從事郎雷國路儒學教授曹祐編次及男方存心正心刊行初授徽州路儒學教授林一桂表姪劉秉義錫姪汪庭芝古杭徐芝學學生徐某等條當爲後人所增周密癸辛雜識詆回之人品汗下或有過實就文論文亦不背理宋末元初實一作手鮑以文於卷首書云新安文獻志載虛谷文二十九首惟二首載續集九首載桐江集餘當別鈔一卷附後有老屋三閒賜書萬卷歛西長塘鮑氏知不足齋藏書二印

剡源戴先生文集三十卷補一卷

舊鈔本

張月霄藏書

四明戴表元帥初

表元一字曾伯或稱質野翁充安老人奉化剡源鄉人七歲學詩古文多奇語後師鄞王氏應麟天台舒氏岳祥以文章名家

宋咸淳間登進士乙科教授昇學歸屢薦不起寓鄞授徒甚眾
袁學士稱其一也元初以執政薦強起教授信州輒棄去卒於
家元史有傳傳稱其學博而肆其文清深雅潔化陳腐爲神奇
洪武四年集上史館宋氏濂序而刻之凡二十八卷表元自有
序歲久傳稀嘉靖丙辰四明周氏儀羽可菟得全集舊巨博訪
旁蒐輯成三十卷萬歷癸酉序之辛巳表元後裔洵刻之然版
本亦不易得也此愛日精廬鈔藏祕冊錄何義門手識云康熙
庚寅從隱湖十丈借得嘉靖以前舊鈔一冊以校新刻則唐畫
西域圖記後幅脫去二百六十餘字其他改正處甚多集中文
爲新刻所逸者凡十二篇後補錄焉毛丈憐余校之勤也云家
有刻源詩亦舊鈔并以借我乃書以志喜焯後補一卷卽所從
出耳有張月霄印愛日精廬藏書二印

刻源文集四卷

舊鈔本

沈樹園藏書

何義門焯云剡源文集余病謬謬不可讀遇藏書者必問嘗舊善本否康熙庚寅始從隱湖毛十丈借得嘉靖以前舊鈔一冊爲文祇六十五篇合甲乙丙丁四卷以校新刻則唐畫西域圖記一篇後半幅脫去二百六十餘字其他賴以改正處甚多集中文爲新刻所逸者凡十二篇云卽此本也舊因黃氏宗義繕刻此集遂傳爲黃氏所編四庫據入存目稱記十六首序三十六首墓誌銘四首題後九首宗義間加點定其持擇頗精審然不足以盡表元也微焯識語則無從知爲嘉靖以前所編矣有研林精舍沈廷芳印監蒙山下卜居四印

剩語二卷

鈔本

元艾性夫撰館臣從永樂大典錄出釐爲二卷攷性夫字天謂撫州人咸洎間貢士入元爲江浙道提舉嘗授經講學就學盈門詩則氣清韻雅古詩尤爲排纂著有孤山晚稿及剩語大典

所錄者剩語爲多故取以標目

桂隱詩集四卷文集四卷

影明嘉靖刊本

瑣川吳氏藏書

元諡文敏桂隱劉訖著賜進士門人羅如篴編

訖字桂翁廬陵人延祐復科舉之後屢試不第江南行御史臺
屢以教官館職遺逸薦皆不報至正十年年八十三卒賜諡文
敏元史有傳集爲門人羅如篴所編前奎章閣侍書學士翰林
院侍講學士通奉大夫知制誥同修國史雍虞集翰林學士資
善大夫知制誥兼修國史渤海歐陽元各有序後有至正元年
門人羅如篴宗仲後識附錄夏以忠撰行狀歐陽元撰墓碑銘
至正二十六年二月初四日諡桂隱先生文敏咨文元史列傳
危素撰傳及投贈詩文此本有嘉靖四十二年曾孫三德二十
世孫方興族孫志孔等題識按如篴跋稱先梓其詩十四卷今
本止四卷殆已有刪削歟有瑣川吳氏收藏圖書